



**R.P. Petri Leurenii Societatis Jesu, SS. Theologiæ
Doctoris, & SS. Canonum Professoris Vicarius Episcopalis,
Sive Tractatus Quaternarius Per Quæstiones & Responsa
Canonica Deductus**

Leuren, Peter

Coloniae Agrippinae, 1708

357. An in designatione Coadjutoris perpetua ad dignitatem electivam facta per suffragia Capituli requirantur unanimia, an duæ tertiæ; an verò solumn majora seu plura & saniora.

[urn:nbn:de:hbz:466:1-74203](#)

Questio 357. An in designatione ista Coadjutoris perpetui ad dignitatem electivam facta per suffragia Capituli requirantur unanimia, an duas tertias, an vero solum majora seu plura, & saniora?

Respond. ad primum: non requiri unanimia, ita ut solum dependeat à voluntate singularum de Colegio comparentium, dissentisque seu contradicione unius totum negotium vitiare & irritare possit. Remouch. *in l. 10. n. 49.* dicens, hanc sententiam esse aquitem, ac legibus & factis Canonibus conformiorem. Nam primum licet requiratur, ut omnes omnia concordent, nemine excepto, ubi Capitulum gratiam petit, ut videre est in postulatione rigorose tali. Azor. *Infl. mōr. p. 2. l. 6. c. 17. q. 3.* licet etiam, ut inquit Gl. *in c. cum omnes. vi. constitutum, in fine de conslit. in aliis, que ex necessitate non sunt, nihil potest fieri, nisi omnes consentiant.* idque eo magis, dum negotium est extraordinarium, seu non consuetum, ut Bald. *in l. 1. Magistr. convenien.* apud Remouch. *loc. cit. n. 48.* ut in iis, quae sunt de genere prohibitorum ac contra statuta, privilegia & concordata Ecclesie, ut Abb. *in c. veniens. de rescript. n. 21.* Innoc. *in c. accedentibus. de privilegiis.* cuius etiam hanc generalem rationem reddunt AA. quod in arduis explicandis agatur de intereste singularum de Colegio. Remouch. cum Felic. & Decio *in c. cum omnes.* Licet, inquam, in dictis materiis ita sit; adeoque jam etiam ita obtineat in praesente, si consensus illius verè esset mane & que merè gratiosus, dependens à sola voluntate Capitularium absque ulla causa necessitatis aut interventu autoritatis pontificia. Remouch. *loc. cit. n. 49.* locum tamen non habet in materia Coadjutoriae, ut potest fundata in beneplacito Apostolico, necessitate & utilitate evidente Ecclesia, ita ut non sufficiat consensus omnium & singularum Capitularium in Coadjutorem, si desit causa legitima, aut non concurrat autoritas pontificia, in qua proinde materia contentus non alter adhibetur, quam sub beneplacito illo Apostolico, qui per appositionem manus cognitionemque causarum necessitatis vel utilitatis Ecclesie, ac denique per concessionem gratia coadjutorialis facit ejusmodi consensum de voluntario necessarium, inducitque necessitatem assumendi Coadjutorem. Remouch. *n. 54.* Urgentique hac à portio, ubi Papa motu proprio volens prospicere Ecclesie, & non rogatus mandavit aut monuit Capitulares designare Coadjutorem; vel etiam ubi ad petitionem Capitularium vel coadiuvandi indulsum pontificum præcessit denominationem illam Coadjutoris per suffragia. Secundum quemadmodum ius ipsum activum eligendi Successorem in Episcopatu vel Prælatura Capitulis à jure, aut vi Concordarorum concessum non est in favorem Canonorum seu Capitularium ut singularem, sed ipsorum Capitularum & Ecclesiarum, adeoque conservatur per suffragationem, eti non unanimum, sed plurium convenientium in unam personam, ita quoque indulsum illud seu potestas designandi Coadjutorem, & sic præventive quasi Successorem in Prælatura; cum pari modo hic & nunc concedatur non in favorem Capitularium ut singularem, sed ipsorum Capitularum seu Ecclesie, preservatur per assensum, eti non unanimem in designanda Co-

adjutoris persona, absque eo, quod vel sic ullius, puta, non consentientis juri contravenatur; vel etiam sic præventive designando Successorem Germanie Concordata laudantur. Ad hanc, quod dum dicitur omnium consensum requireti, quando res periret ad singulos, & de jure singularum agitur, *juxta Regul. juris 29. in 6.* Quod omnes tangit, debet ab omnibus approbari: id intelligendum, dum negotium in solidum & unicè pendet ab eorum potestate; non autem, quando non tantum concurrere debet, sed etiam pravalet potestas & authoritas alterius, ut accidit in Coadjutoris, in quibus iste consensus, etiam unanimis nihil proficit, deficiente authoritate apostolica. Remouch. *loc. cit. n. 51.* qui idipsum exemplificat in permutatione beneficiorum jurisperpetratus laicalis, pertinentis ad plures patronos; quorum quidem omnium consensus requirendus, sufficit tamen præstitus non ab omnibus: in dñ fieri potest haec permutatio authoritate Superioris, dum ita exigit utilitas Ecclesie contradicentibus non solum aliquibus, sed & omnibus horum patronorum. Tertio confirmationis loco adjici potest, quod habet idem Remouch. *loc. cit. n. 50.* nempe secuturum hoc absurdum, quod etiā stantibus causis necessitatis & utilitatis Ecclesie, etiam consentientibus omnibus tum temporis Capitularibus, seu habentibus jus suffragii, non tamen fore vi unquam locum successioni, sive vix unquam clausulam illam, cum futura successione, habitur effectum, reclamantibus nimium post obitum coadjuti Canonicis prius non vocalibus & interea factis vocalibus; eo quod si major pars Capituli obligare nequeat contradicentes tunc presentes, multo minus obligare possit absentes & succellores, dum hinc adhuc integra, hoc est, necdum secuta successione evadunt presentes seu capaces ferendi suffragii. Ad quod tamen facile responderemus posse videtur dicendo, quod si pro tempore vocales omnes unanimiter, prout requiritur consenserint, per supervenientem apostolicam concessionem nominati Coadjutoris cum futura successione per modum affectus interclusa sit omnis via nasciturus deinde Canonicis impediendi istam successionem eveniente morte Coadjuti.

2. Respond. secundò: neque requiruntur duas tertias suffragiorum. Tamech enim postulatio canonica seu propriè talis, ut admittatur, requirat duas tertias, dum concurrat cum electione. Letter. de re benef. l. 3. q. 17. num. 241. Passolin. de elec. c. 24. num. 55, cum communī juxta textum c. scriptum, de elec. in praesente tamen neque est postulatio talis propriè, ut dictum quæst. præced. neque supponitur, vel etiam potest esse electione persona in Coadjutorem, multoque minus in Successorem Prælati, utpote adhuc viventis. Undejam consequens est, ut sufficiat majora vota, prout ad electionem & postulationem propriè talem, dum hanc non concurrat cum electione, sufficit. Quod ipsum & exinde confirmat Remouch. *loc. cit. n. 53.* quod, si non imerito revocetur in dubium, non Papa ex plenitudine potestatis possit cōcedere Coadjutorias, neglegit Concordatis & Capitulis sive in electivis, sive in collativis, opinib; affirmativa tunc demum procedat, si saltem expries ex iusta & magna causa iis derogaverit, eo magis id possit interveniente consensu majoris partis Capituli, quanto facilius contemni possunt particulares non aucti absque ope alicu-

alicuius derogationis aut clausula gratos privilegiatae. Quin & in hoc casu dicitur concors electio Coadjutoris, eti unius alterve discrepant non nominando, vel nominando alium; quia quod à maiore parte Capituli fit, à toto Capitulo concordi & consentiente factum censetur. Azor. Inst. mor. p. 2. l. 6. c. 17. q. 3. juxta c. 1. de his, que sunt à maiore parte Capituli. & quod major pars Curia egerit, pro eo habetur, ac si omnes egerint. L. quod major. ss. ad Municipalem. Arque ita cum sola pluralitate votorum Capitularium à Sede Apostolica admissi in Coadjutores Maximilianus Henricus Colonia; Ferdinandus Episcopus Paderbornensis Monasterii; Josephus Clemens Hildeshei. Notandum nihilominus, quod habet Tondur. 99. benef. p. 2. c. 1. §. 13. n. 29. hisce expressis: Si tamen agatur de depurando Coadjutorem Episcopo dementi, requiritur, quod interveniat consensus duarum partium ex tribus Capituli, cum in aliis sufficiat, quod intervenerat major pars Capituli. Item, quod habet ibidem ex Geminiano in c. unic. de Cler. agrot. in 6. nempe quod sufficiat, quod in conclusione seu deliberatione Capituli due partes ex tribus ejusdem Capituli interveniant, & tunc, quod major pars illorum Capitularium facit, debet sortiri effectum tanquam factum à maiore parte Capituli.

Quæstio 358. An denominatio illa Coadjutoris perpetui necessaria, seu de forma substantiali requirat præsum indultum Papæ, quā illi dicta nominatio permittatur; an vero sufficiat, Capitulares ad dictam nominationem procedere ante omne indultum Papæ, & deinde se factam Papæ offerre, expectareque ejus benplacitum?

1. Respondeo: Tametsi melius & securius ad nominationem Coadjutoris (præterim dum ea per modum electionis instituenda) vigore indulti desuper iam prius à Papa ex causis necessitatis vel utilitatis coram illo deductis probabisque concessi procedatur; et quod dum hac ratione Capitulares progradientur ex autoritate pontificia, & vel sic eorum libertate transente in quandam juris necessitatem, quam ad eligendum habent tempore sedis vacantis, negotium procedat ordinatus. Remouch. cit. c. 10. n. 25. nullatenus tamen indultum hujusmodi Pontificis de jure prærequisitur, seu defectus prævii indulti dictam electionem seu portius denominationem Coadjutoris non vitiat, aut nullam reddit, tanquam destitutum aliquo ad sui formam substantiali pertinentem. Remouch. loc. cit. n. 26. Non enim ad id afferendum cogit, quod frequenter sic factum, nempe petitum prius & obtentum à Capitularibus, vel etiam ultròcè à Papa concessum tale indultum; cum non tam quid sicut, quām quid fieri debeat, spectandum sit juxta L. licet. de off. pref. Gratian. discept. for. c. 127. Menoch. conf. 75. num. 94. l. 1. Neque etiam, quod quidam ita interpretentur Tridentinum, quasi illud, dum dicit: Coadjutor non alias detur, quām hac causa prius à Romano Pontifice sit cognita: per tō prius prescribat ordinem & formam, quā necessariò præmittenda causa cogitio per Papam, & tum denum dandus per denominationem Capituli Coadjutor. Praterquam enim, quod interpretatio legis, aut consti-

tutionis conciliaris per personam privatam facta non sit obligatoria, aut excludat aliam meliorem, donec Princeps vel illi, ad quos ea interpretandi potestas spectat, aperte declarent aliud juxta L. 1. de LL. & ibi DD. dicta interpretatio minus convenientis videtur primò ex eo capite, quod tō detur accipi debeat in proprio significatu (in quo apud Jurisconsultos significat, & operatur translationem juris) adeoque pro datione seu deputatione canonica absoluta ultimata, quā verè canonice & actu iustituitur Coadjutor, conferturque illi jus in re respectu ipsius Coadjutoria, & jus ad rem respectu beneficii, seu prælature operaturum plenum effectum, seu jus in Prælatura post cessum vel decessum coadjuti; non verò de datione aliqua ad summum inchoativa jus nullum tribueret Coadjuto, ne quidem ad Coadjutoriam, multo minus ad prælaturam, qualis est illa electio, seu denominatio facta per Capitulares, etiam vitalis prævii induiti, utpote non nisi quid præparatorium & dispositivum ad jus ad rem denuo acquirendum per approbationem Papæ secuturam. Ad hæc, cum, antequam Coadjutor detur, hoc est, non esse sui deducatur ad existentiam, & in rerum naturam, cognoscendum sit de pluribus, nempe de necessitate vel utilitate ecclesie, de ipso hoc consensu Capitularium & Coadjuti, de persona ipsa designata Capitulo in Coadjutorem, & tunc demum post hæc omnia facta Concilium permittat dari Coadjutorem, seu dicat: detur, patet hanc voculam aliter accipi non posse, quam de datione illa ultimata facta per Papam. Confirmant hæc ex eo, quod ista electio non sit nisi nudus & simplex consensus propter clausulam adhiberi solitam & debitam, seu etiam tacite subintellectam: sub beneplacito sanctissimi: isque requiritur seu adhilitus, ne videatur Capituli jus competens ei ex Concordatis Germania aut speciali privilegio Ecclesiæ per Papam violatum. Ac proinde dubitare nequit, quin electio illa tanquam votum commendativum subsistat, & nihil referat, si ipsa præveniat sive subsequatur illud indultum. Ubi hoc ipsum patet in consensu Patronorum laicorum adhiberi debito in permurationibus, qui sive præstetur ante, sive post permutationem periude est, & idem. Item confirmatur ex eo, quod, ut habet Remouch. n. 36. Concil. Tridentinum id præcipue intendat, ut informetur Papa, & recognoscat causas Coadjutoria; anticipata verò illa electio seu consensus Capitularium præveniens indultum Apostolicum non impediatur Conciliū intentum, aut ei præjudiceret; & sicut alius anticipatus non vitiat; quia solennitas etiam substantialis de jure requisita, dum præpostore adjicitur, non vitiat, quoties causa finalis non cessat, ut post alios docet Gail. l. 1. observat. 101. n. 20.

2. Sed neque desunt exempla etiam recentia, in quibus sic practicatum, ut nimis antecedenter ante omne Breve Apostolicum sub beneplacito Apostolico denominatus à Capitularibus in Coadjutorem, dein præsentatus Papæ, causisque ab eo cognitis daretur, seu constitueretur ab eadem Coadjutor, ut videtur est in Josepho Clemente Eleitore Colonensi electo in Coadjutorem Hildeshei.